



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj: 03-14-7-1035/18
Datum: 21.03.2018.godine

OPĆINSKO VIJEĆE TEŠANJ

**INFORMACIJA
o radu i poslovanju udruženja građana na području općine Tešanj za 2017.godinu**

UVOD

Rad i značaj Udruženja građana za Općinu Tešanj je itekako interesantan, te Općina stalno radi na poboljšanju prilika, praćenja rada i davanju podrške razvoju ovog sektora. Razvojem i kontinuiranom podrškom Udruženjima građana dobivaju se mehanizmi za kontrolu i nadgradnju aktivnosti koje prema prirodi nadležnosti spadaju u domenu Institucija, ali se na ovaj način dodatno uključuje i angažuje veći broj građana u njihovim aktivnostima, velikim brojem na volonterskoj bazi.

Prilikom izrade informacije, Služba je koristila podatke dobivene od udruženja/organizacija, podaci kojima raspolaže organ uprave iz ranijih izvještaja i sl. Napominjemo da informacija tretira udruženja sa kojima je Općina imala saradnju i čije su aktivnosti sufinansirane kroz budžet općine Tešanj.

PRAVNI OKVIR I RAD UDRUŽENJA

Rad Udruženja građana u Bosni i Hercegovini regulisan je entitetskim i državnim zakonodavstvom. Na nivou BiH 2001. godine je usvojen Zakon o udruženjima i fondacijama, a na nivou Federacije BiH u martu 2002. godine. Pomenuti zakoni su usklađeni sa principima savremenih demokratskih društava. Registracija novih udruženja olakšana je Federalnim zakonom u kojem se u članu 11. propisuje da udruženje mogu osnovati tri fizička ili pravna lica.

Stanje na području općine Tešanj, dodatno je uređeno odlukama koje je donijelo Općinsko vijeće: Odluka o kriterijima za finansiranje nevladinih organizacija i udruženja građana ("Službeni glasnik" 9/05), te Odluka o izmjeni i dopuni Odluke o kriterijima, načinu i postupku raspodjele sredstava nevladinim organizacijama ("Službeni glasnik" 10/11) i Odluka o proglašenju udruženja od posebnog interesa ("Službeni glasnik" 9/06), te Odluka o izmjenama i dopunama Odluke o proglašenju nevladinih organizacija od posebnog interesa ("Službeni glasnik" 2/14).

Ove odluke nastoje dodatno urediti način finansiranja nevladinog sektora i nametnuti sistem planskog i projektnog pristupa u radu.

Primjenom Odluke o kriterijima za finansiranje nevladinih organizacija i udruženja građana došlo je do većeg nadzora nad radom udruženja. Neaktivna udruženja se i ne prijavljuju po pozivu.

Udruženja prema oblasti djelovanja su vrlo raznolika, jer jedno udruženje vrlo često djeluje u više oblasti i teško ga je svrstati. U slijedećoj tabeli predstavljeni su podaci za našu općinu.

	Boračke organizacije	Crveni križ	Djeca i mladi	Vatrogasna društva	organizacije invalida	Izbjeglice, raseljeni	Kultura	Lov, ribolov, pčelarst	Nacionalne organizacije	Penzioneri/starije osobe	Staleška udruženja	Tehnika (radio, moto..)	Socijalna zaštita	Privredna udruženja	Zaštita okoline	Zdravstvo	Sport	Romi	Žene	Ostali	Ukupno
Tešanj	7	2	9	2	2	1	11	4	2	1	1	2	3	2	3	5	32	-	6	17	112

Udruženja su grupisana u četiri grupe:

- a) udruženja od posebnog interesa (pobliže određeno Odlukom o proglašenju udruženja od posebnog interesa („Službeni glasnik“ 9/06) i Odluka o izmjenama i dopunama Odluke o proglašenju nevladinih organizacija od posebnog interesa („Službeni glasnik“ 2/16);
- b) sportska udruženja/društva;
- c) udruženja u oblasti kulture;
- d) ostala udruženja.

I UDRUŽENJA OD POSEBNOG INTERESA

Naziv udruženja	Ukupni prihodi	Prihodi od Općine	Pomoć članstvu	Ukupni rashodi	Sjednice tijela	
					Preds.	Skupš.
Organizacija PŠ i PB	69770,09	30300	18300	46397,24	5	1
Organizacija RVI	54551,47	30000	18000	53366,34	9	1
UABNOR	10772,8	9400	5800	9976,55	7	1
UG „Zlatni ljiljani“	7920	6600	0	7773,83	8	1
JOB „Unija veterana“	70734,9	70000	58000	49324,32	6	1
UG invalida rada	2400	2400	0	2405	8	1
UG slijepih i slab. lica	10300	9700	3700	10300	4	1
UG „Sugar“ Tešanj	13767	4900	2500	11524	10	1
UG „Održiv povratak“	2400	2400	10080	2280	4	2
Crveni križ Tešanj	12400	2400		12405	4	1
UG hroničnih bubrež.bolesn.	6149,66	2400		4584,4	1	1
UG „Crv. polumjesec“	5327	2400		1691	5	5
DVD Jelah	14737	4063		13132,1	11	2
UŽ Naša porodica	11958,36	2400		7908	5	2
Udruženje Oslonac	112000	2400		112000	6	1
UG otpu. radnika iz RH	67118,67	3700		13046,35	24	3
DVD „Tešanj 1905“	7983,78	3850		7117,87	4	1

Organizacija porodica šehida i poginulih boraca

Ovu organizaciju sačinjavaju porodice šehida i poginulih boraca Tešnja, Teslića i dijelom Doboja. U 2017. godini su vođene brojne aktivnosti: Izvršene pripreme i održan tradicionalni šehidski mevlud, Redovni obilasci bolesnih članova i njihovih porodica, obilježavanje Dana šehida drugi dan Ramazanskog Bajrama i obilazak mezarlika šehida i poginulih boraca, Izvršene pripreme i održana godišnja skupština Udruženja, druženje sa porodicama šehida i boraca drugih Općina, priprema televizijskog programa „Sjećanje na poginule“ na SMART Televiziji, Obilježavanje značajnih datuma na Općini i druge aktivnosti.

Organizacija ratnih vojnih invalida

Ima zaposlenog sekretara sa punim radnim vremenom. Najznačajnije aktivnosti Organizacije u 2017. godini kao i ranijih godina odvijale su se u skladu sa Programom rada, a odnosile su se na: Pružanje pomoći članstvu u ostvarivanju prava poštujući Zakonsku proceduru, Obilazak članova na kućnom i bolničkom liječenju i pružanju finansijske pomoći najugroženijim članovima. Imaju vlastiti uslovan kancelarijski prostor.

UABNOR Tešanj

Jedan od ciljeva Udruženja je očuvanje tekovina socijalističke revolucije NOB-a i briga o živim neposrednim učesnicima. U 2017. godini organizovano obilježavanje značajnijih datuma iz NOB-e. Članovi Udruženja su aktivno bili uključeni u održavanje spomenobilježja iz NOR-a (Partizansko groblje u Tešnju i pristupna staza Bisti Huse Hodžića). Ukazivana je pomoć bolesnim članovima u nabavci lijekova, kao i novčane pomoći najugroženijim, ostvarena dobra saradnja sa nadležnim organima i organizacijama i vršeno uključivanje novih članova, posebno mladih antifašista. Članovi udruženja se redovno pojavljuju i na obilježavanju značajnih datuma Općine Tešanj.

UG „Zlatni ljiljani“ Tešanj

U 2017. godini je nastavljeno sa promocijom i distribucijom knjige “U ime istine, Tešanj 1992-1995.”, te započeta saradnja sa određenim ustanovama s ciljem interpretacije informacija što širem krugu čitatelja. Pored toga urađeno je i slijedeće: Učešće u obilježavanju značajnijih datuma na općini Tešanj, Članovima dodjeljivana pomoć za liječenje i smrtne slučajeve. Pružili su i podršku dalju radu Udruženja civilnih žrtava rata 1992-1995, Učestvovali na druženjima dobitnika najviših ratnih priznanja. Takođe, Udruženje je proširilo aktivnosti s ciljem pomaganja potrebnim, te je u 2017. godini vlastitim sredstvima pomognuta i jedna porodica u Zenici u svrhu trajnog stambenog zbrinjavanja.

JOB Unija veterana

U protekloj godini udruženje je svoj rad usmjerilo na: Organizacija sastanaka članova udruženja, Rješavanje socijalno-statusnih problema članstva, Obilježavanje značajnih datuma iz proteklog rata, Posjete bolesnim članovima i porodicama umrlih boraca.

UG invalida rada općine Tešanj

Općinska Organizacija invalida rada u 2017. godini se angažovala na pitanjima: Pomoć članstvu u ostvarivanju njihovih prava i prati gdje su radnici raspoređeni nakon umanjivanja radne sposobnosti, te po kojoj satnici rade na novom radnom mjestu. Obilazili su bolesne članove koji su u teškoj materijalnoj situaciji i učestvovali u brojnim humanitarnim akcijama i drugo. Obilježen je i svjetski Dan invalidnih osoba. Pomagali su bolesnim članovima i prilikom kupovine ogrijeva.

Udruženje slijepih i slabovidnih lica Tešanj

Udruženje slijepih djeluje na 4 općine (Tešanj, Doboj Jug, Usora i Maglaj) i nema stalno angažovanog radnika, već se svi poslovi obavljaju volonterski. U protekloj godini udruženje je imalo slijedeće aktivnosti: obilježavanje dvadesete godišnjice USG Tešanj, obilježavanje 15. oktobra-Dana bijelog štapa, 3. decembra – Međunarodnog dana osoba sa invaliditetom. Zahvaljujući pomoći Općine Udruženje je organizovalo Međunarodni turnir u golbalu. Organizovan je kurs opismenjavanja u Brajevom pismu za članove. Velika pažnja se posvećuje posjetama starim i bolesnim članovima. Zahvaljujući vodstvu ovog Udruženja, sve potrebe njegovih članova ostvaruju se preko navedenog Udruženja, što dodatno olakšava rad i nadležnim Službama.

Društvo za borbu protiv diabetesa „Sugar“

Društvo je nastalo dobrovoljnim udruživanjem osoba oboljelih od diabetesa i drugih građana koji su iskazali interes da na organiziran način djeluju u borbi protiv šećerne bolesti. U protekloj godini je provedeno niz aktivnosti: Aktivno učestvovali na sastancima Saveza udruženja dijabetičara i II Kongresu dijabetičara F BiH, Nastavljena je prekogranična saradnja sa udruženjima iz Hrvatske i Srbije, Aktivno učestvovali u obilježavanju svjetskog dana diabetesa uz besplatnu kontrolu šećera i pritiska uz podjelu zdravog doručka.

Udruženje u svom radu posebnu pažnju posvećuje mladima, djeci dijabetičarima. Pored navedenog realizovan je program edukacije dijabetičara radionicama. Aktivno je provedena nabavka i podjela trakica za samokontrolu šećera u krvi, a udruženje je učestvovalo i na Evropskom prvenstvu u Futsalu za diabetičare u Sarajevu. Najznačajniji projekat Udruženja u 2017. godini bio je nabavak aparata LYBRA za djecu koja su dijabetičari. Riječ je o senzorskim uređajima, čijim korištenjem nije potrebno izvršiti ubadanje iglom, što je veoma značajno, ukoliko se uzme u obzir broj mjerenja koja pojedini korisnici moraju izvršiti.

UG „Održiv povratak“ Tešanj

Svi poslovi u udruženju se obavljaju volonterski i bez ikakve naknade. Najveći dio dotacije od Općine se dijeli kroz jednokratne pomoći za liječenje, pomoć u sahrani i drugo. Udruženje nema kancelarijski prostor, pa se sastanci održavaju u parohijskom domu Pravoslavne crkve Tešanj. Udruženje redovno kontaktira sa Općinom po pitanju podrške povratnicima u sjetvi, ogrijevu i sl. Takođe, udruženje prati

pozive resornih ministarstava te povratnike informiše oko mogućnosti podrške. Udruženje ima učešće i u podršci obnovi i sanaciji infrastrukture koju koriste povratnici na prostoru Općine Tešanj. Predsjednik Udruženja je trenutno Ristić Đorđo.

Crveni križ

U 2017. godini izvedeno je niz aktivnosti: Organizovano takmičenje iz prve pomoći (Općinsko i Kantonalno), Obuka i provjera znanja za vozače motornih vozila, Osim toga organizovane su akcije dobrovoljnog davanja krvi, obilježen 20. Decembar-Dan dobrovoljnih davalaca krvi. Organizacija je obilježila sve značajne datume kao: Svjetski dan CK, Nedjelja CK, Nedjelja borbe protiv TBC, Međunarodni dan starih i Nedjelju solidarnosti i drugo. Izvedeno je više ekoloških akcija i različitih predavanja po školama i mjesnim zajednicama, Vršeno prikupljanje pomoći za bolesne putem telefona.

Udruženje hroničnih bubrežnih bolesnika Tešanj

Rad Udruženja se provodi u druženju članova i pružanju pomoći istim. Isplaćena sredstva u vidu jednokratne novčane pomoći za kupovinu lijekova. Udruženje je u prethodnoj godini podržalo i štrajk hroničnih bubrežnih bolesnika s ciljem skretanja pažnje javnosti na problematiku ove populacije vezano za transplataciju organa i sl.

Crveni polumjesec

Orijentacija je da se pomogne porodicama u socijalnoj potrebi i to tako da im se dodijele sredstva za osnovne namirnice i rješavanje stambenog pitanja. Udruženje za rad koristi prostor u zgradi Obdaništa. Većinu sredstava za pomoć dobiva iz članarina i dio od sredstava Općine Tešanj.

Dobrovoljno vatrogasno društvo Jelah

Društvo je u 2017. godini realizovalo slijedeće aktivnosti: Upis novih članova pionira i omladinaca, Učestvovali su na dosta Skupština Vatrogasnih društava na prostoru bivše Jugoslavije.

Na osnovu inicijative Dobrovoljnog vatrogasnog društva Jelah formiran je Vatrogasni savez ZDK. Članovi društva su se bazirali na rekonstrukciju svojih prostorija pa su tako renovirali salu za sastanke i uradili pre pokrivanje krova na dijelu zgrade gdje je bilo potrebno. Sve rekonstrukcije su su izvršili članovi društva lično. Nastavljena je inicijativa za što jaču saradnju sa svim društvima, te izvršene pripreme za Skupštinu Društva. Akcenat u budućem periodu će biti i zadržavanje što višeg nivoa saradnje sa Malteserima. Takođe, Udruženje je spremno da izvrši i sve potrebne zadatke u suradnji sa Profesionalnom vatrogasnom jedinicom iz Tešnja, te da radi na podizanju kompetencija i kvaliteta usluga.

UŽ Naša porodica

U 2017. godini realizovani su slijedeći projekti: Humanitarne aktivnosti, Druženje sa majkama šehida, U susret Ramazanu, Druženja sa udruženjima žena okoline, Konvoji prema Podrinju za vrijeme Ramazana. Učestvovali u organizaciji iftara i drugo. Svi poslovi u Udruženju se obavljaju volonterski.

NHU Oslonac

Nevladino humanitarno udruženje „Oslonac“ je formirano 2006.godine. Djelatnost je usmjerena isključivo u stambeno zbrinjavanje socijalno ugroženih lica koja nemaju riješeno stambeno pitanje, niti mogućnost da ga samostalno riješe zbog nepostojanja prihoda, ili iz drugih razloga.

U 2017. godini Udruženje je završilo gradnju 53-og objekta, a dosadašnji utrošen novac premašuje cifru od 1.300.000,00 KM. Za dvadeset i pet objekata je odobrena djelimična pomoć u izgradnji. Značajno je napomenuti da su prihodi od članstva povećani i imaju tendenciju stalnog rasta. Specifično za ovo udruženje je što nema nikakvih troškova, već se sve zasniva na volonterizmu i entuzijazmu članova Savjeta i Udruženja.

Udruženje građana otpuštenih radnika RH

Udruženje je osnovano 2004.godine s ciljem ostvarivanja prava svih otpuštenih radnika iz Hrvatske. Aktivnosti u protekloj godini je bilo više, a istaknute su slijedeće: Brojni kontakti sa odvjetnicima, nadležnim institucijama i medijima po pitanju ostvarivanja prava članova (prava iz privatizacije, prava na otpremninu i prava invalida rada). Udruženje pruža besplatnu pomoć u sudskim sporovima svojih članova. U 2016. godini pokrenuta su tri sudska postupka upućena sudu u Strazburu, a u 2017.godini je nastavljeno sa kontaktima u cilju rješavanja statusa ovih radnika.

Održan je sastanak četiri člana udruženja sa Ministrom Osmanovićem u Sarajevu, a tema sastanka je bila pronalaženje načina za rješavanje problema otpuštenih radnika. Udruženje je učestvovalo i u emisiji "Bingo" u organizaciji Lutrije BiH u Sarajevu i učešćem ostvarili dobitak od 9.500,00 KM. Sredstva su položena na račun Udruženja i služit će za pomoć članova Udruženja. Udruženje radi na proširenju članstva i na drugim načinima skretanja pažnje javnosti na svoj položaj.

Vatrogasno društvo Tešanj 1905

Udruženje je ponovo registrovano 25.05.2009. godine sa sjedištem u Vatrogasnom domu. U 2017. godini realizovali su više aktivnosti: Organizovali osposobljavanje članstva u ovladavanju vatrogasnim vještinama i redovne vježbe DVJ. Članovi Udruženja su aktivni sa profesionalnom vatrogasnom jedinicom i stavljaju se na raspolaganje prilikom potrebnih intervencija na terenu.

UG Penzionera

Udruženje penzionera-umirovljenika je i u 2017. godini bilo orjentisano na pomoć teško bolesnom članstvu. Udruženje je od Općine dobilo 36.000,00 KM raspoređeno na mjesečne rate. Pored toga, Udruženje je radilo na obnovi članstva i pomoći, odnosno isplati troškova dženaza i sahrana. Organizovali brojne izlete i boravak na moru. Osim toga ostvarili su uspješnu saradnju sa svim organima i organizacijama u interesu članstva.

II SPORTSKA UDRUŽENJA/DRUŠTVA

Naziv udruženja	Ukupni prihodi	Prihodi od Općine	Ukupni rashodi	Sjednice tijela	
				Preds.	Skup
NK „Tošk“ Tešanj	225634	59226	206589	10	3
NK „Borac“ Jelah	144970,52	38000	143.023,57	10	2
NK „Napredak“ Šije	20886	11000	17622	18	3
NK „Pobjeda“ Tešanjka	61022,45	29000	59961,58	9	1
RK „Bosna – TS“ Tešanj	20000	15400	19925	6	1
KK „Gradina“ Tešanj	37160	17000	36265	4	1
Šahovsko društvo „Tešanj“	8033	3500	6819	3	1
Centar borilačkih sportova Tešanj	24482	12500	24430	5	1
Klub borilačkih sportova Jelah	14703	7000	14703	4	1
Savez za sport i rekreaciju invalida	3696	1450	3436		
USR «Blinker» Kalošević	13945,23	2000,00	10432,87	14	1
Sportsko ribolovno društvo Jelah-Tešanj	28830,25	6000	22295,83	10	1
Društvo pedagoga fizičke kulture	4400	3400	4400	2	1
Ženski odbojkaški klub Tešanj	11500	8000	11500	4	1
UG Veterani TOŠK-a Tešanj	4800	950	3500	33	1
Streljački klub Tešanj	13757	4250	12583,62	3	1
Streljački klub "Zigana" Tešanj	1857	700	1920	4	1
Sportski savez Općine	13695,27	9370	12695,27	6	1
Karate klub „Unija“ Tešanj	4655	1500	3155	2	1
Sportsko udruženje Trepče	4409	1000	4592	3	1
Stonoteniski klub „Nec“Kraševo	3500	2500	3450	6	1
Biciklistički klub Tešanj	3242	1500	3102	6	1
Ragbi klub „Trk“ Tešanj	11497,71	6500	11012,5	4	1
Ženski košarkaški klub Tešanj	29718	4.300,00	28395	11	1
Tekvando akademija Šije-Tešanj	6506	3240	6472	3	1

Udruženje "Paintball Lasta" Vukovo	3 590, 00	500	2072,34	5	2

NK „Tošk“ Tešanj

Nogometni klub TOŠK se u 2017. se plasirao u I ligu F BiH. Imaju 5 selekcija i to: seniori, juniori, kadeti, pioniri i predpioniri. Jedan od ciljeva kluba iz sezone 2016/17 selekcije kadeta i juniora je bio prelazak u viši rang takmičenja, i to u Omladinske lige BiH čime je ispunjen uslov za ulazak ekipe seniora u Prvu ligu F BiH, što su i učinili. Takođe su obilježili 90 godina TOŠK-a, a u saradnji sa UG "Veterani TOŠK-a" rade i na izradi infrastrukture. Prostor trenutno osim njih koriste i ŽKK Tešanj, Veterani TOŠK-a. Trenutno rade na projektu utopljanja prostorija.

NK „Borac“ Jelah

U 2017. godini, kao i ranije su sve selekcije kluba su imale redovno ligaško takmičenje (seniorska selekcija, juniors, kadetska, pionirska, predpionirska i ženska selekcija). Klub je organizirao 21.memorijalni turnir „Sakib Subašić-Manga“, te 9.memorijalni turnir „Ibrahim Đonlagić“, škola nogometa je učestovala na turnirima u Hrvatskoj i nekoliko gradova BiH. Provedena izgradnja i uređivanje stadiona i objekata (nisu završeni svi planirani radovi). Završeno je postavljanje stolica na tribinama, ali i uređenje terena sa vještačkom travom. Ranije je klub bio počeo sa okupljanjem i radom ženske selekcije fudbala, ali su krajem 2017.g. odustali od ideje zbog nedovoljne zainteresovanosti. Izvršeno izmještanje dijela ograde, saniran prostor za NVO "NVO Kutak", kao i ostali radovi na održavanju infrastrukture kluba.

NK „Napredak“ Šije

Klub se takmičio u Kantonalnoj ligi ZDK sa ekipom u seniorskoj konkurenciji, kao i sa Omladinskim selekcijama koje se takmiče u okviru lige Zeničko – dobojskog kantona. U toku 2017. godine odigrano je preko 20 utakmica kako domaćih, tako i gostujućih u svim kategorijama koje su se takmičile. Klub je u prethodne dvije godine radio na poboljšanju uslova za rad i uređenju infrastrukture. Klub je na kraju sezone 2016/2017 bio 10 na tabeli, a najveći uspjeh je treće mjesto kadetske selekcije, te plasman u polufinale Omladinskog juniorskog kupa.

NK „Pobjeda“

U 2017. godini, pored redovnog takmičenja, Klub je organizovao dva turnira: u povodu 27. jula i Novogodišnji turnir. Organizovana je škola fudbala za djecu od 7-9 godina. Rade u zajedničkom prostoru sa NK "Usora" iz Usore i to je specifičnost uvjeta rada ovog sportskog društva. Redovno se takmiče i treniraju na ovom terenu. Rukovodstvo NK "Pobjeda" je opredijeljeno da u dogovoru sa NK Usora i dalje izgrađuju sadržaje na ovom prostoru što iziskuje i dodatna sredstva, angažman svih aktera u navedenom procesu, ali i veći stepen razumjevanja i tolerancije shodno ciljevima osnivanja i području djelovanja.

RK „Bosna – TS“ Tešanj

Klub je osnovan 1958. godine U okviru Rukometnog kluba djeluje i dobro organizovana Škola rukometa, sa osposobljenim trenerima, koja obuhvata četiri selekcije osnovaca i srednjoškolaca, koje se takmiče u Kantonalnoj rukometnoj ligi mladih. Klub se takmiči u prvoj ligi F BiH grupa "Sjever" sa trenutnim petim mjestom na tabeli. Održavaju i dobre odnose sa ostalim srodnim klubovima u regionu. Klub je organizovao memorijalni turnir u rukometu "Fuad Prnjavorac Fudo". Ove godine klub obilježava 60 godina postojanja rukometa u Tešnju.

KK „Gradina” Tešanj

KK „Gradina“ Tešanj je dva puta osvojio prvo mjesto u A1 ligi F BiH. 2017. godine odigrano je oko 90 redovnih ligaških utakmica, a imajući u vidu turnire i prijateljske i pripremne utakmice, odigrano je više od 130. Stoga je i održano oko 500 treninga za razne selekcije u dvoranama SRC, OŠ Huso Hodžić, Musala, Krndija i Medakovo. U Tešnju je odigran Međunarodni turnir u košarci „Avdo Rakić Rogo“, učestvovala ekipe iz BiH i R Hrvatske. Klub je sa sve 4 selekcije u 2017. godini igrao u Final four ZDK, a pioniri su osvojili drugo mjesto. Seniori će se održati u prvoj A1 ligi, a dalji napredak bi iziskivao i veća sredstva za klub, te stoga klub ne gaji prevelike ambicije.

Centar borilačkih sportova Tešanj

Realizovana dva projekta i to „Državna Prvenstva, Kup-vi BiH i Međunarodna takmičenja“ i „Tešanj Open 2017“. CBS Tešanj je u samom vrhu ekipa po ostvarenim rezultatima u Kickboxing savezu BiH na domaćim i međunarodnim takmičenjima. U 2017 učestvovali na svim državnim i međunarodnim takmičenjima koja su na kalendaru saveza BiH. Ukupno je osvojeno 119 medalje sa državnih i međunarodnih takmičenja od toga 47 zlatnih, 38 srebrnih i 34 bronzanih medalja. Najznačajniji rezultati su: 7 medalja sa Svjetskog kupa, 4 sa Evropskog kupa. Balkan open je je okupio takmičare iz 10 zemalja, a u ukupnom poretku CBS Tešanj je zauzeo drugo mjesto.

Šahovsko društvo „Tešanj“

Šahovsko društvo „Tešanj“ svoju pažnju usmjerava na promociju, razvoj i popularizaciju šaha među omladinom. Redovno učestvuju na takmičenjima na nivou Kantona, Federacije, te BIH, a ostvaruju i značajne rezultate. Djeluju u prostoru koji se nalazi u zgradi MZ Tešanj. Društvo okuplja veći broj mladih perspektivnih šahista, koji uz stare kadrove izrastaju u jednu kvalitetnu generaciju koja će uspješno moći da parira i trenutno kvalitetnijim klubovima. Suradnja sa MZ Tešanj je na zadovoljavajućem nivou. Turnir koji organizuje ovo šahovsko društvo svake godine okuplja respektabilan broj učesnika.

Klub borilačkih sportova “Borac” Jelah

Takmičari kluba su nastupili na takmičenjima za sve selekcije i formirane su ekipe za sve kategorije. Učestvovali su u predlaganju za Izbor sportiste ZDK. Učestvovali na Skupštini kickboxsaveza BIH u Sarajevu. Uzeli su učešće na Europskom kickboks kupu u Karlovcu, Internacionalnom kickboks kupu “GRAND PRIX” U Ilidži. Takmičenja u Banjaluci, Bihaću, Zenici, Tešnju, Foči, Budimpešti, Makedoniji, Bijelom Polju, Odžaku, Kutini, Zagrebu.

Klub je u protekloj godini dosta radio na omasovljenju, kao i na poboljšanju uslova rada i nabavci opreme. Članovi kluba su učestvovali u Eko-akciji u Kaloševiću. Takođe, da se radi o klubu koji radi na izgradnji mladih nada i talenata, osim medalja govore i proglašenja jednog takmičara za najboljeg sportistu juniora ZDK.

Savez za sport i rekreaciju invalida

Članovi Saveza su vrlo aktivni u sredinama i općini kada je u pitanju sport za invalide. Pored općinskih takmičenja, značajno je pomenuti individualni rad pojedinaca koji imaju i vrhunske rezultate u šahu, streljaštvu i ribolovu. Udruženje ima oko 70 aktivnih članova i 50 koji povremeno imaju neke aktivnosti putem Udruženja. Udruženje koristi prostorije zajedno sa Udruženjem slijepih Tešanj. Realizovali projekat “Sportom i rekreacijom do ozdravljenja”, takmičenje invalida. Stalno imaju rekreativne treninge u šahu, streljaštvu, stonom tenisu.

USR «Blinker» Kalošević

Najznačajnija aktivnost USR u 2017. godini: Ekološke akcije Dan Planete i Dan voda, Takmičenja u ribolovu u povodu Dana MZ Kalošević i Memorijalni kup Mustafa Mević Pućo, Organizacija manifestacije “Fišijada” i takmičenje u ribolovu Općine, izvršili su i poribljavanje jezera u Mrkotiću, a izdali su i Bilten Udruženja. Udruženje je aktivno sa Udruženjem “Mladi Mrkotić” MZ Mrkotić i MZ Kalošević na uređenju prostora oko jezera “Mrkotić” koje stalno dobiva nove sadržaje. Trenutno

posjetioци imaju na raspolaganju Wifi, odbojku u pijesku, fudbalski teren, stazu za setnju, prostorije za druženje sa osigurnim mokrim čvorom, a sve je osigurano i videonadzorom.

UG Sportsko ribolovno društvo Tešanj-Jelah

Društvo je osnovano 1947. godine pod nazivom SRD "Usora-Jelah". Tokom 2017. godine ostvarene su sljedeće aktivnosti udruženja:

1. Otvaranje ribolovne sezone 2017. godine – takmičenje u okviru Udruženja;
2. I Liga BiH
3. Organizacija „Male škole ribolova 2017“;
4. Organizovan je „Međunarodni kup 2016“;
5. Odlazak na međunarodna kup takmičenja u BiH i susjednim državama;
6. Učestvovali su na svjetskom prvenstvu u ribolovu u Saint-Quentin Francuska

Članovi Udruženja su učestvovali u više ekoloških akcija u općini Tešanj.

Društvo pedagoga fizičke kulture

U 2017. godini Udruženje se bavilo podrškom i takmičenjima u sportovima: košarka, nogomet i odbojka za žene. Društvo je ostvarilo dobru saradnju sa sportskim klubovima i pružilo pomoć školama u organizaciji takmičenja. Značajan projekat su Male olimpijske igre 2017. Takođe Društvo djeluje savjetodavno nakon obavljenih olimpijskih igara prema Sportskim klubovima u smislu davanja preporuka i predispozicija za bavljenje određenim sportom. Društvo broji 22 člana, od kojih su 2 ženska.

Ženski odbojkaški klub Tešanj

Ženski odbojkaški klub Tešanj se takmiči u sklopu 1. Lige F BiH. U 2017. godini pioniri ovog kluba su imali samo jedan poraz u svojoj konkurenciji, a škola odbojke se priprema za ligu mladih. Jedna odbojkašica je član kadetske i juniorske reprezentacije BIH.

UG "Veterani TOŠK-a" Tešanj

Redovno rade na svim poslovima održavanja stadiona, a organizuju i prijateljske utakmice veterana. Organizovali su dva tradicionalna turnira u malom i velikom nogometu, i to već deseti put. Učestvovali su u organizaciji "90 godina TOŠK-a", te ograđivanju prostora oko stadiona, odnosno promjene ograde. Trenutno pripremaju projektni zadatak utopljanja prostorija TOŠK-a za koja su potrebna značajnija finansijska sredstva.

Streljački klub «Tešanj»

Organizovano takmičenje učenika u streljaštvu na nivou općine. 2017.g. Izvršen izbor novog rukovodstva kluba. Klub je inicirao i pomogao formiranju općinske lige u streljaštvu u kojoj učestvuju sva četiri kluba koja egzistiraju na prostoru općine Tešanj. Formirane su sekcije kluba u Miljanovcima, Jablanici, Mrkotiću i LD Kiseljak. Nabavljeno je novo streljačko naoružanje dvije puške Hammerly ar 20. Od januara 2018.g. punopravan su član SS BIH.

Streljački klub «Zigana» Tešanj

U okviru kluba djeluje pet sekcija: edukacijska, lovačka, sekcija pištolj/revolver/IPSC, sekcija malokalibarsko/vazdušno oružje i air soft sekcija. Klub je u 2017. godini organizovao takmičenja za djecu osnovnoškolskog uzrasta u gađanju iz vazdušne puške. Za članove Kluba organizovano je gađanje iz pištolja, kao i takmičenje članova Kluba u gađanju letećih meta (glinenih golubova).

Sportski savez Općine

Savez je u 2017. godine realizovao manifestaciju „Izbior sportiste godine općine Tešanj 2017. Također, Savez je učestvovao u Komisiji za odabir projekata sportskih klubova ZDK i Komisiji za odabir projekata udruženja građana općine Tešanj. Pružana je podrška klubovima u realizaciji njihovih projekata. Neki od projekata koje je Sportski savez podržao i pomogao u organizaciji su: Male olimpijske igre. Trenutno Sportski savez Općine Tešanj ima odobren projekat preko UNDP-a u okviru ReLOaD programa, a u koji je uključeno i više sportskih klubova i veliki broj učesnika, naročito djece. Savez je uzimao učešće i u raspravama o Strategiji razvoja Sporta ZDK i Zakona o sportu koji su u pripremi.

Karate klub „Unija“ Tešanj

Karate klub „Unija“ egzistira u Tešnju već 7 godine. Okuplja djecu, razvija sport, organizuje karate polaganja i uspješno učestvuje na raznim takmičenjima. U 2017. godini Klub je dva puta organizovao polaganje ispita članova kluba pred Komisijom delegiranom od strane karate saveza BIH. Učestvovao je na 20 takmičenja i osvojio 130 medalja. Naplaćuju članarinu od 10-20 KM.

Stonoteniski klub „Nec“Kraševo-Tešanj

Klub je osnovan 2012. godine. Klub je održao Omladinsku školu stonog tenisa za mlade do 18 godina koja je realizovana u potpunosti i predstavlja izuzetno dobar način da se mladi edukuju iz oblasti stonog tenisa. Mnogo članova kluba je prešlo u drugi klub, te se stoga i aktivnost kluba umanjila. Klub se premjestio u Tešanj i izvršio izmjenu podataka. U 2017.g. Nabavljana je nova oprema za treninge (stolovi, ringovi, reketi, mrežice, loptice i sl) a s ciljem da u narednom periodu mogu značajnije nastupiti na domaćim i drugim takmičenjima. U 2017.g. Održan je treći međunarodni turnir “Tešanj open 2017”, i to na vrlo visokom nivou, a u sklopu manifestacije “Ljeto u Tešnju”. Trenutno se radi na ulasku kluba u lige na prostoru BIH.

Biciklistički klub Tešanj

Biciklistički klub 2017.g. Nije uspio organizovati biciklijadu, zbog nepovoljnih vremenskih uvjeta. Ali je uzeto učešće na seminaru iz biciklizma i ekologije, te biciklističkoj turi Vlašić-Paljenik.

Najznačajnija aktivnost kluba je odlazak 17 članova biciklima na relaciju Tešanj – Srebrenica koji su na taj način odali počast žrtvama genocida. Rađeno je i na omasovljavanju članstva i nabavljeni su dresovi sa logom Kluba i Općine. Organizovano je niz promotivnih vožnji za sve članove, odlazak na pozivne biciklijade: Tuzla, Kladanj, Čelinac, Prenj, Visočica, kao i niz lokalnih vožnji Usora, Doboj, Maglaj, Teslić.

Ragbi klub „Trk“ Tešanj

Klub se takmiči na državnom nivou. Discipline Ragbi XV, Ragbi VII, organizovali su su Međunarodnom Beach Rugby u Jelahu, a učestvovali na međunarodnom beach ragbi turnisu na Buškom jezeru. Učestvovali su na seminarima za trenere i radili na održavanju i doradi stadiona u Mekišu i izgradnji terena u Jelahu.

Ženski košarkaški klub Tešanj

Klub je osnovan 2014. godine sa primarnim ciljem popularizacije svih onih moralnih vrijednosti koje se mogu steći kroz sport uopće, a posebno žensku košarku. 21.03.2016. godine pokrenuta i muška škola košarke kao sekcija kluba, pod nazivom KK Tešanj, čime je značajno povećan broj članova kluba, te su angazovana još dva trenera. Nominovani i izabrani sportisti općine Tešanj iz kluba: Almina Čehajić – najuspješnija sportistkinja i Džejna Spahić - mlada nada. ŽKK Tešanj je zajedno sa direktorom OŠ Huso Hodžić Tešanj, gosp. Osmom Hurićem, a zahvaljujući sponzorima, učestvovao u nabavci i zamjeni stare rasvjete u sportskoj dvorani, uređenju vanjskih košarkaških terena, sa novom stolarijom na svlačionicama, sportskim semaforom, ventilatorima i pomoćnim koševima u dvorani, te izgradnjom KOMPLETNE učionice u prostorijama škole. Informacije o radu kluba postoje i na zvaničnim stranicama KS BIH i FIBA WABA lige. Takmiče se u ligi mladih KS Zenica, A1 ŽOL BIH, WABA ligi. Trenutno klub bilježi značajan napredak i donosi pobjede na takmičenjima u inostranstvu.

Tekvando akademija Tešanj

Akademija je djelovala u Šijama, a krajem 2016.godine sjedište je preseljeno u Tešanj. Uredili su prostor za treniranje i nastavili sa aktivnostima Udruženja koje broji 113 članova. Do sada su osvojili preko 500 nagrada sa takmičenja. Samo u 2017.godini učestvovali su na 16 turnira, te osvojili 209 medalja i 8 pehara. Proveli su projekat koji je finansiran od strane Općine i to takmičenje pod nazivom “Tešanj open 2017”.

Udruženje Paintball “Lasta” Vukovo

U 2017. godini udruženje je svakodnevno treniralo i učestvovalo u organizovanju turnira MZ-ica u paintballu, te Memorijalnog turnira “Adem Omahać-Omaha”. Učestvovali su na turnirima u zemlji i inostranstvu, Jahorina, Zavidovići, Križevci Hrvatska. Udruženje broji 71 član, od toga 25 aktivnih.

KK "Heroji-Basketball Heroes" Tešanj

Redovni treninzi su se obavljali na četiri lokacije i to u Tešnju, Tešanjci, Jelahu i Matuzićima. Pripremane su utakmice na formiranju lige, odigravanje utakmica, te organizacija izleta. Klub trenutno ima 130 članova. Odigrane su četiri prijateljske utakmice sa ekipama iz Tuzle, Zenice i Sarajeva. Održan je turnir za članove. Učestvovali na ljetnom kampu na Vlašiću. U toku zimskog kampa na Vlašiću održana je i škola skijanja. Treninzi se obavljaju u OŠ u Tešnju.

III UDRUŽENJA U OBLASTI KULTURE

Naziv udruženja	Ukupni prihodi	Prihodi od Općine	Ukupni rashodi	Sjednice tijela		Broj članova
				Predsj.	Skupš.	
Bosansko pozorište Tešanj	4500	4500	4500	1	1	71
KUD «Izudin M.Izo» Jelah	8459,63	5500	5819,87	1	8	55
KUD «Behar» Tešanjka	14607	3500	13180	10	1	80
UM «Alkatmeri» Tešanj	7070	1000	6250	2	1	10
UG "Bosanski sevdah" Kraševo	6210	2250	3510	9	1	80
KUD "Pobjeda" Tešanj	10900	4400	6666	19	2	73
UG "Omladinski ansambl" Tešanj	9027,43	3800	9374,9	17	2	80
UG "KRIN" Kalošević	1350	600	1350	5	1	50
HKDU "Napredak" podružnica Tešanj	2500	800	2449	5	1	30

Bosansko pozorište Tešanj

U 2017. godini pripremljene su i izvedene dvije predstave sa predstavama „Igre u pijesku“ i „Sigurna kuća“. Sa tim predstavama su učestvovali na manifestacijama Tešanjско proljeće obilježavanje Dana grada Tešnja. Imaju 71 člana, a posebno je rađeno na aktiviranju mladih selekcija.

KUD „Behar“ Tešanjka

Društvo broji 80 članova podijeljenih u 3 sekcije a najbrojnija je folklorna sekcija. Djeluju u okviru prostorija MZ Tešanjka. KUD je imao više nastupa na kojima je prezentovao običaje i tradiciju svog kraja: Organizacija julskih manifestacija "Tešanjka 2017", Manifestacija je ušla u I kategoriju po kvalitetu i normama. Organizovali su 13. Međunarodnu smotru folklor. Učestvovali su na smotrama folklor u: matuzićima, Tuzli, Tešanjci, Suhopolju (Hrvatska), Jelah, Zenica, i Njemačkoj. Rade na edukaciji koreografa, te uvježbaju nove koreografije.

KUD „Izudin Mulabećirović Izo“ Jelah

Organizacija tradicionalnih manifestacija tokom 2017.god. : 14 tradicionalni dječiji festival „Djeca pjevaju hitove“, 20.tradicionalni festival folklor, 6.festival „Veče uz tamburu“. Redovno učestvuju na festivalima u zemlji i inostranstvu.

UM Tamburaški sastav „Alkatmeri“

Tamburaška sekcija u okviru KUD-a Pobjeda je osnovana 1986.godine. U 2017. godini organizovali su koncert „Tešanj sevdah fest Tešanj 2017“ i "Večeri Starog grada". Broje ukupno 15 aktivnih članova i 5 počasnih.

Udruženje "Omladinski ansambl" Tešanj

Udruženje je u protekloj godini organizovalo više nastupa, a najznačajniji su Proljetni koncert i Bajramski koncert. Gostuju u zemlji i inostranstvu, te imaju jako zapažene rezultate. Okupljaju veliki broj mladih muzičara. Imaju veliki problem oko održavanja proba i uvježbavanja za nastupe, jer im nedostaje adekvatan prostor.

KUD „Pobjeda“ Tešanj

Provedene aktivnosti u toku 2017.godine su: XVI Smotra folklora, Bajramski koncert i Godišnji koncert. Gostuju na festivalima u okolini, na prostoru BiH i regiji, te ostvaruju zapažane nastupe.

Folklorni ansambl "Bosanski sevdah" Kraševo

Udruženje je u 2017. godini održalo svečanost povodom obilježavanja Sedme godišnjice rada udruženja, nekoliko gostovanja u BiH, održana Osmu međunarodna smotra folklora, Učestvuju redovno na proslavi dana MZ Kraševo, ali razvijaju i partnerske odnose sa drugim Udruženjima u zemlji i inostranstvu uz gostovanja i nastupe.

IV OSTALA UDRUŽENJA GRADANA

Udruženja sa različitim programskim ciljevima:

Naziv udruženja	Ukupni prihodi	Prihodi od Općine	Ukupni rashodi	Sjednice tijela		Broj član.
				Pred.	Skupš	
UG za zaštitu i uzgoj sitnih životinja	13292	3400	12433	11	2	78
UG «Eko-mladi» Jablanica	41156,07	20361	35683,31	10	1	150
UG «Pčela» Tešanj	11239,02	1700	7958,6	4	1	56
Jedinstvena organizacija mladih Jelah (JOM)	2600	1800	1754	19	1	46
UG „Biznis centar“ Jelah-Tešanj	120867,75	15000	121647,73	12	1	201
Odred izviđača «Crni vrh» Tešanj	11931	9000	11752	27	1	321
Udruženje «Stari grad» Tešanj	8800	2000	7700	4	2	200
UG “Rez” Tešanj	4697	450	4668,6	3	1	35
UG žena “Ruka” Kalošević	19121,23	1100	11093,25	5	2	20
UG “Ponikva” Šije	2542	900	2803	9	1	100
Udruženje “Tragovi Crni Vrh” Tešanj	4000	1900	3.900 KM	2	1	100
Udruženje motoklub “Zemljani vozači” Tešanj	1000	500	1000	3	1	20
Plesni klub “Pobjeda-Win” Tešanj	5710	1350	5700	4	1	80
Udruženje civilnih žrtava rata	24315	800	23963	5	1	

Udruženje građana za uzgoj i zaštitu sitnih životinja Tešanj

Udruženje je osnovano 09.03.1999. godine. U 2017. godini organizovali su: 18. međugradsku i 12. međunarodnu izložbu sitnih životinja, Učestovali su na nekoliko izložba u BiH, a redovno obilježavaju i 4.Oktobar - Dan sitnih životinja.

UG „Eko-mladi“ Jablanica

Udruženje je formirano 2007. godine, a osim osnovnog sadržaja druženja i edukacije mladih, u fokusu je bilo i promovisanje volonterskog rada, uključivanje mladih u razvoj uže i šire zajednice i zaštita životne sredine. U protekloj godini uspješno je realizovano više projekata: „Najljepše uređeno dvorište 2017-općina Tešanj“, Realizacija projekta PET ambalaže u saradnji sa školama, Edukacija kadrova i veći broj ekoloških akcija, Doprinos obilježavanju Dana Mjesne zajednice, Podrška i saradnja sa MZ Jablanica i udruženjem “Tragovi Crni Vrh”, predstavnici učestvovali na nekoliko sastanaka / edukacija / treninga u sklopu projekta Jačanje uloge Mz u BiH koji realizuje UNDP, te mnoge druge aktivnosti.

UG „Pčela“ Tešanj

Udruženje je osnovano 25.05.1998.godine, radi zadovoljenja zajedničkih i osobnih interesa pčelara. Najznačajnije aktivnosti u 2017. godini su: Organizovan tradicionalni 11. Sajam pčelarstva „Tešanj 2017“ na kome je učestvovalo više izlagača sa Općine i šire, realizovana stručna predavanja za pčelare, ostvarena saradnja sa pčelarima iz regiona.

Udruženje je takođe putem UNDP-a program ReLOaD dobilo odobren projekat, te trenutno radi na realizaciji.

Jedinstvena organizacija mladih (JOM)

Udruženje osnovano 2002. godine. Neke od najvažnijih aktivnosti u 2017. godini su: Organizacija manifestacije “15. Rastok Fest Jelah” i Streetball Art Fest”. Sva događanja su bila dobro posjećena i medijski praćena. Udruženje je svoj rad posvetilo edukaciji mladih o ponašanju na sportskom terenu i van njega.

Udruženje privrednika „Biznis centar“ Jelah – Tešanj

U 2017. godini Udruženje je realizovalo 13. sajam privrede „Biznis 2017 Tešanj“. Organizovani sajam je bio korak dalje u odnosu na dosadašnju organizaciju. U protekloj godini održana je redovna godišnja skupština a rađeno je i na povećanju broja članova. Udruženje daje podršku i socijalno-osjetljivim programima.

UG Odred izviđača „Crni vrh“ Tešanj

Udruženje je u protekloj godini realizovalo dva projekta finansirana od Općine: "Takmičenja, izleti, susreti, edukacije, logorovanja". Učestvovali su i u akciji uređenja Kiseljaka, te organizovali Međunarodne susrete izviđača u Tešnju. Udruženje je dobitnik raznih priznanja, a od 2008.g. Do 2015.g. su bili državni prvaci na takmičenjima, Pohvaljivani više puta, a dobitnici su i Plakete grada Tešnja za 2010.godinu. Učestvuju u obilježavanju svih značajnih datuma Općine Tešanj.

Udruženje «Stari grad» Tešanj

U organizaciji Udruženja „Stari grad“ Tešanj u 2017.godini održan je VII Balkan Streets Festival na Starom gradu, VII Likovna kolonija Tešanj 2017, te projekat “Vidimo se na tešanjskoj gradini”.

Udruženje građana “REZ” Tešanj

Udruženje je provelo nekoliko aktivnosti u toku 2017.godine i to: Pomoć pri osnivanju Radio-kluba “Pousorje” koji već svojim uspjesima i aktivnostima opravdava postojanje i zaslužuje pažnju zajednice. Do sada realizovani projekti, otisak tradicije, Zasadi cvijet za bolji svijet, Međunarodni dan mira, Učešće na nekoliko debata i okruglih stolova,

Udruženje žena "Ruka" Kalošević

Udruženje postoji pet godine i u svom dosadašnjem radu angažovalo se na edukaciji žena iz raznih oblasti (zaštita ljudskih prava, biznis treninzi, škola za uzgoj ljekovitog bilja). Uz podršku Općine realizovali projekte “Ekonomski osnažena žena je jaka žena” i “Želimo da radimo”. U 2017.godini, Udruženje je takođe dobilo projekat kroz ReLOaD od strane UNDP-a u kome učestvuje sa još dva Udruženja iz Tešnja, ali i radilo na projektima: Ekonomsko osnaživanje i jačanje poduzetničkog duha žena, Žene za budućnost. Udruženje redovno učestvuje na sajmovima, a imale su i posjetu potpredsjednice F, Melike Mahmutbegović.

UG “Ponikva” Šije

Udruženje je osnovano 23.11.2013. godine s osnovnim ciljem poticanja i razvijanja aktivnosti na očuvanju i održavanju čovjekove okoline. Učešće u organizaciji i realizaciji Obilježavanja dana MZ Šije (Sportski program-streljaštvo, mali fudbal, tekvando, roštilj i osvježanje za posjetioce, kulturno umjetnički i zabavni program, takmičenje učenika OŠ u Šijama u poznavanju Historije Šija, prezentacija domaće kuhinje), nastavak uređenja izletišta "Jaruge" u Šijama, Humanitarne akcije, Učešće u realizaciji obilježavanja "Dan žrtava rata u Šijama, Učešće u realizaciji IFTARA u Šijama, Džemat Šije.

Udruženje “Tragovi Crni Vrh” Tešanj

Udruženje je bilo jako aktivno tokom godine, a najznačajnija aktivnost je uređenje platoa “Crni vrh” 2017. Aktivno učestvuju u lokalnim akcijama koje se organizuju na prostoru mjesnih zajednica kojim gravitira.

Udruženje motoklub “Zemljani vozači” Tešanj

Organizirali su nekoliko lokalnih druženja sa članovima kluba koji su u nekoliko navrata posjetili Dnevni centar za djecu sa posebnim potrebama Tešanj i tokom posjeta štićenicima Doma uručili poklone. Proveden je i projekat “Motomaratonski Srebrenica 2017”. Zbog malog budžeta, udruženje nema puno aktivnosti tokom godine. Za 2018. godinu se nisu pojavljivali sa zahtjevom.

Plesni klub “Pobjeda-WIN” Tešanj

Aktivnosti udruženja u 2017. godini su: Organizacija 4 Međunarodnog Turnira u Akrobatskom Rock n Roll-u, te je isti ocijenjen kao turnir na vrlo visokom nivou,

Udruženje jeste skoro formirano, ali su se za kratko vrijeme plasirali za Svjetsko prvenstvo u ovoj disciplini, gdje su uzeli učešće. Prvenstvo je održano u Slavonskom Brodu. Okupljaju veliki broj mladih, te redovno uzimaju učešće na takmičenjima u BIH i regionu. Nemaju vlastiti prostor već aktivnosti i treninge obavljaju u prostoru OŠ “Huso Hodžić” u Tešnju. Klub broji 105 članova, dječaka i djevojčica, starosti od 4 do 14.godina. Uzeli su učešće na ukupno 10 takmičenja u toku 2017.godine, 75 medalja.

Udruženje “VIS” Lepenica

Formirano 2008.godine. Okuplja zainteresovane na prostoru Lepenice. Do sada su učestvovali u humanitarnim akcijama, ali i sa KUD-om “Behar” davali podršku u sklopu projekta “Julske manifestacije”, gdje su organizovali noćne turnire i sl. Takođe, rade na izgradnji infrastrukture za mlade, te pripremaju aplikacije prema mogućim drugim izvorima finansiranja.

Udruženje civilnih žrtava rata 1992 -1995

Formirano 2016.g., u toku 2017.godine već postižu prve rezultate na bazi formiranja jedinstvene baze civilnih žrtava rata, uspostavljaju kancelariju, te ostvaruju suradnju sa Udruženjima na višim nivoima, ali i Institucijama za podršku ovim licima. Već su radili na dodjeli platenika, poljoprivrednih mašina i alata članovima Udruženja, što će im olakšati egzistenciju. U narednoj fazi planiraju razne edukacije za članstvo u smislu prilagođavanja poslovima pogodnim za ovu populaciju, ali i sticanjem vještina koje mogu doprinijeti boljim materijalnim prilikama ovih porodica.

Od ranije na evidenciji se nalaze i neka Udruženja koja vjerovatno nisu uradila ažuriranje podataka u Bazi niti su kandidovali na projekte: UG Fitnes club Body Fit Jelah, Teniski klub Tešanj, UG “Klub strijelaca” Tešanj, Sportsko-rekreativno udruženje Opće bolnice Tešanj, Sportski klub Ask orion” Jelah, KUD “Pupoljak”, KUD “Jedinstvo Jelah”-Tešanj, KUD “Šijački biser” Šije, UG “Radio klub” Tešanj, Edukativno rekreativni centar “Tradicija” Tešanj, Udruženje građana za prevenciju bolesti ovisnosti”, UG oboljelih od distrofije ZDK, Udruženje daktilografa Tešanj, Radio-historijsko udruženje Jelah, NVO “Mladost” Piljužići, Kinološki klub “Pas” Tešanj, Asocijacija mladih Šije, Savez mladih za promjene-pomirenje iz Tešnja, Udruženje mladih Obala Kraševog, Centar za humani razvoj iz Tešnja, Incijative preživjelih od mina, Udruženje nezaposlenih demobilisanih boraca, UG poljoprivrednika Agra Jelah, UG poljoprivrednika i privrednika Šije, UG Auto klub Tešanj, Kantonalno udruženje proizvođača gljive Šije.

Ova udruženja nisu imala finansijsku podršku Općine Tešanj za 2017.godinu

Zaključni osvrt:

Udruženja koja djeluju na prostoru općine u 2017. godini dala su doprinos razvoju lokalne zajednice, uzela učešće u brojnim aktivnostima, te direktno i indirektno radila na poboljšanju kvaliteta življenja na našim prostorima. Udruženja bismo mogli definisati i kao mini zajednice ljudi koji imaju slične interese, interese u pomaganju drugim ljudima, afirmisanju određenih životnih oblasti (sporta, kulture i drugo), ali i interese u boljem uređenju društva (demokratska borba za određena statusna, socijalna i druga prava). Sve ovo u stvari utiče i na sam rad udruženja, na njihov obim aktivnosti, ciljeve i aktivnosti koje ispoljavaju. Njihov rad prolazi kroz određene periode aktivnijeg, ili manje aktivnog rada. Tako nastanu određeni organizacioni problemi, zatajenja rada i slično.

Nadležna Služba Općine je proteklih godina vršila monitoring na realizaciji projekata finansiranih iz Budžeta, s čime planira nastaviti i u narednom periodu.

Preporuke koje su date ranije od strane Komisija primjenjivat će se i ubuduće, a monitoring rada Udruženja će se nastaviti.

U narednom periodu ponoviti edukaciju po pitanju obaveza i načina rada Udruženja, mogućnosti izrade zajedničkih projekata, mogućnosti apliciranja na druge izvore finansiranja, ali i jačanja ljudskih resursa za izradu projektnih aplikacija određenih projektnih sadržaja. Ovo je potrebno Udruženjima da bi se osnažio njihov potencijal.

Edukacijom, Općina ima namjeru ukazati i na mogućnost da se aplicira za druge izvore podrške prema Udruženjima građana.

Naime, iako je za projekat ReLOaD, koji uz Općinu Tešanj finansira i UNDP, apliciralo nekoliko Udruženja, činjenica je da su samo tri projekta odobrena i uvrštena za učešće u sufinansiranju. Stoga nam je namjera da nastavimo za građanjem potencijala naših Udruženja građana jer izgradnjom njihovih kapaciteta, cijela društvena zajednica, Općina Tešanj u cjelini, te svi njeni građani, mogu dati doprinos za uspostavu kvalitetnijih sadržaja za sportske, kulturne, ekološke i ostale aktivnosti.

Takođe, potencirati na dosljednom provođenju svih procedura koje su Zakonom predviđene, od namicanja sredstava, plaćanja, računa, Odluka i sl.

U narednom periodu uvidom u rad bit će obuhvaćena i sva ostala udruženja od posebnog interesa, kao i druga udruženja čiji se projekti finansiraju ili sufinansiraju iz Budžeta općine Tešanj.

OBRADIVAČ:

Služba za društvene djelatnosti i
investicije

Azra Muslija, dipl.pravnik

PREDLAGAČ:

Općinski načelnik

Mr.Sci.Suad Huskić